

10. oktober 2019

UKA2019/139

Peqqinnissaqarfiup aqunneqarnera, aaqqissuusaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27, 18. november 2010-meersumi § 3, imm. 2 naapertorlugu nalunaarusiornissamik Naalackersuisut peqquneqarnissaannik Inatsisartut aalajangiiffigisassaattut siunnersuut. Nalunaarutip minnerpaamik imarissavai atorfiup illersugaanera aammalu katsorsartittut pisinnaatitaaffii pillugit aalajangersakkat. Soqutigisaqartut attuumassuteqartut nalunaarutip imarisassaamik suliaqarnermi akuutinneqassapput.

(Inatsisartunut Ilaasortaq Aqqa Samuelson, Inuit Ataqatigiit)

Nunatsinni innuttaasut ataatsimut isigalugit tarnikkut peqqissumik inuuneqarnissaat soorunami qularnanngitsumik tamatta kissaatigaarput, tamnannalu naapertorlugu inuiaqatigiit akornitsinni tarnimikkut nappaateqartut aammalu tarnimikkut ajornartorsiuteqartartut ajunngitsumik eqqortumillu katsorsarneqartarnissaat sullinneqartarnissaallu qulakkeersimajuartariqarparput, pitsanngorsartuarlugulu.

Siunnersuuteqartoq qutsavigaarput siunnersuummik matuminnga saqqummiussaqaarmat, taamaalilluta peqqinnissaqarfitta tarnikkut nappaateqartunik ajornartorsiuteqalersartunillu sullissinera pillugu, sulisoqarneralu ataatsimut isigalugu nalilersuiffigineqarsinnaassammat.

Siumumiillu isumaqarpugut pisariqartoq nunarput tamakkerlugu akornitsinni tarnimikkut nappaateqarlutik katsorsarneqarlutik paaqutarineqartariqartut pillugit aammalu eqqarsartaatsikkut innarluuteqartut ajornartorsiuteqalersartullu sullinneqarnerini killiffiusut pillugit tamakkunanilu tamani sulisoqarnikkut inissisimaneq pillugu nassuiaasiortoqartariqartoq, taamaalilluta susassaqarfimmi tassani ineriartornikkut killiffipput qulaajaaffigineqassammat, ingerlariaqqinnissatsinnut tunngavissiissussamik.

Siumumiit erseqqissaatigissuarput soorunami ullumikkumut sulisorpassuit tarnimikkut nappaateqartunik qasusuillutik sullissiuartut qujassuteqarfigisariqarmata, aammalu sullissinerit pitsanngorsartuarnissaannut suleqataajuarlutik.

Naalackersuisut siunnersuummut akissuteqaataat ilanngullugu qujassutigaaarput, taamaalilluta suliaasaq manna paaseqatigiiffiusumik ingerlanneqarsinnaassammat.

Siumumiit taamatut oqaaseqarluta siunnersuutip aappassaaneerneqannginnermini ilaqutarinnermut peqqinnissamullu ataatsimiitaliami suliarineqarnissaa piumasaraarput.

Mala Høy Kúko, Siumut